

“একঘরে”

১৪৬২

অর্থাৎ

বিলাতফেরতাদিগকে একঘরে করার বিষয়ে
কোন বিলাতফেরতার পূর্ণব্যক্ত মত ;
যাহা জানিলে দেশের অনেক
উপকার সাধিত হইতে
পারে ।

শ্রী দ্বিজেন্দ্রলাল রায় M. A., M. R. A. S.

প্রণীত ও প্রকাশিত ।

(শুরুধাৰ ২ নং নদকুমাৰ চৌধুৱীৰ দ্বিতীয় লেন ।)

দ্বিতীয় সংস্করণ ।

সন ১৩১৭ সাল ।

মুদ্য ৫০ আনা ।



PRINTED BY U. N. MANDAL AT THE
BHAISHAJA STEAM MACHINE PRESS.

25, *Raja Nabokrishna's Street, Calcutta.*

তৃমিকা ।

১৮৮৫ সালে ‘একঘরে’ প্রথম প্রকাশিত হয়। বহুদিন হৃষিল মুদ্রিত পুস্তকগুলি নিঃশেষ হইয়া গিয়াছে। নানা কারণ বশতঃ ইহার নৃতন সংস্করণ করি নাই। কিন্তু এখন নানাদিক হইতে পুনঃ পুনঃ অনুৰূপ হইয়া ইহার দ্বিতীয় সংস্করণ প্রকাশ করিলাম।

আমার বিশ্বাস যে এই ক্ষুদ্র পুস্তকখানি সমাজের কিঞ্চিৎ উপকার করিয়াছে। ইহার ভাষা অত্যধিক তৌত্র হইয়াছে। ইচ্ছা ছিল যে ইহার ভাষা মোলায়েম করিয়া পুস্তকখানি পুনমুদ্রিত করিব। কিন্তু দেখিলাম যে তাহা করিতে গেলে পুস্তকখানি আগ্রহ নৃতন করিয়া লিখিতে হয়। অতএব পূর্বপ্রকাশিত সংস্করণের স্থানে কিঞ্চিৎ ঝাঁদ দিয়া দ্বিতীয় সংস্করণ প্রকাশিত হইল।

শ্রী দ্বিজেন্দ্রলাল রায়।

“একমুরে

—०००—

মহাশয় !



আমরা দীনহীন কাজাল মূর্খ বিলেত-কেরত ; আমাদিগকে কেন
প্রাণে মারেন ? আপনারা দেশের অঙ্কার, আপনারা জাতির জ্যোতি,
আপনারা বিদ্যার প্রতিনিধি, আপনারা জ্ঞানের উৎস, আপনারা সত্যের
নায়ক, আপনারা সাহসের প্রতিষৃতি। আমরা আপনাদের নিষ্কলন-
চরণে পড়িতেছি ; প্রাণে মারিবেন না ।

আমরা—অস্ততঃ আমি যখন বিলাতে গিয়াছিলাম, তখনই বোধ
হইয়াছিল কাজটা বড় ভাল হইতেছে না । ভাবিয়াছিলাম যে এ বিজ্ঞানের,
উৎসাহের, বৈদ্যের, স্বাধীনতার রঞ্জনুমি ভারতবর্ষ ছাড়িয়া কোথায়
এক ভৌরুতার আলয়, মুর্ধতার চগ্নীমণ্ডপ—বিলেতে যাইতেছি,
—একাজটা বড় ভাল হইতেছে না । একবার মনেও হইল, বুঝি
অধর্ম্মের, অজ্ঞানের, অমোচ্য কলঙ্কের, অনস্ত নিরয়ের বৌজ বগন
করিতেছি । কিন্তু কি করিব—মুক্ত মানবের মন বিবেকের বাধা ওনিল
না । জাহাজে চড়িলাম, পাণ্ট, পরিলাম, কট্লেট থাইলাম, তাহার
পর দেখুন এই বিপদ ।—জাহাজটা যখন গভীরগভী নদী সাগরের
নৌলিমায় গিয়া পড়িল, তখনই বেশ বুঝিতে পারিলাম যে কাজটা বড়
থারাপ হইয়া গেল । কিন্তু তখন ফিরিয়া আসি কিরূপে ? কি করিব,
বিলাতে থাইলাম, ইংরাজের সহিত মিশিলাম, রোষ্টচপ থাইলাম । এখন
পস্তাচি । সমস্ত দোষ স্বীকার করিতেছি, মন্তক অবনত করিতেছি ;—
প্রাণে মারিবেন না ।

দীনতার প্রতিষ্ঠা আমরা, জীর্ণ শীর্ণ মলিন রোক্তমান আমরা, আপনাদের শতকমল-বিনিন্দিত পুণ্যময় চরণে পড়িতেছি ;—প্রাণে মারিবেন না ।

আমরা যে থোর পাপ করিয়াছি তাহার প্রায়শিত্ত করিব ;—মাথা শুড়াইয়ু (তেড়ী ভাসিয়া যায় ক্ষতি নাই) ; ঘোল ঢালিব, গব্য চলনামৃত পান করিব ;—প্রাণে মারিবেন না ।

এবার মাথার ঘোল ঢালিয়া, গোবর দ্বারা পেটকে পবিত্র করিয়া টেবিল ভাসিয়া, বাড়ী ধিরিয়া, ঝুঁকা প্রেসীর মুখ চুম্বন করিয়া তবে আর কাজ ।

আবার আমরা রাশ্মাখরের প্রশাস্ত প্রান্তে, —রংগীন কাট-পিঁড়িতে বসিয়া ; অঙ্গোহিনী মঙ্গিকার মিলিত বক্ষারে ; ধূমের অঙ্ককারময়ী পিঙ্কতায় ; আর্দ্ধ-থালে ; ঠাকুরের বকুনীর সহিত পৈতৃক ডাল ভাত খাইব ; —প্রাণে মারিবেন না ।

আর একবার আপনাদের চাঁদোয়ার নীচে, শুল্ক মাটীতে, এক ছেঁড়া কদলীপত্রে বসিয়া, অপর ছেঁড়া কদলীপত্রে ভোজ খাইব ;—তাহাতে দই গড়াইয়া দিব ; পরমানন্দ ছড়াইয়া দিব ও তৎসঙ্গে পার্শ্বস্থ আঁস্তা-কুড়ের শতমন্দারনিন্দী স্বর্গীয় গন্ধ সেবন করিব ;—জাতে লউন ।

আর একবার চাদর কোলে করিয়া, উর্ক-জাহু হইয়া বসিয়া, কমনীয় খুরিতে পরমানন্দ খাইয়া, মনোরম ঘটে জলপান করিয়া, চটিজুতা হারাইয়া,—সম্র্ষ্ট কলেবরে, শুক্ষহস্তে ততোধিক শুক্ষমুখে (কারণ হারায়িত চটি) ; ক্রোশাঞ্চরে গিয়া পানাপুরুরে মুখ হস্ত ধোত করিব ।

আমি বেশ দেখিতে পাইতেছি—আমাদের জাতিস্বর্গলাভে ঈষিত হারাধন সাম্রাজ্য নামক কোন জাতিভূষ বঙ্গীয় কবি, আমাদিগকে—অস্ততঃ আমাকে বিজ্ঞপ করিয়া এই কবিতাটি লিখিবেন—

হায় হায় !

বিলেত থেকে কিরে এসে হরিদাস রাম—
ছেড়ে দিলেন মুরগী গুরু জাতের ঠেলায় ;
মুড়িয়ে মাথা, চেলে ঘোল,
ধল্লে আবার মাছের বোল ;
কুমড়েসিন্ধ, বেগুণপোড়া, আলুভাতে তাম, ;—
বিলেত থেকে ফিরে এসে হরিদাস রাম ।

হায় হায় !

বিলেত থেকে ফিরে এসে হরিদাস রাম—
লেখেন ব'সে তপ্তাপোষে, ঠেসে তাকিয়ায় ;
থেমে তাওয়ায় তামাক মিঠে,
ভুলে গেলেন সিগারেটে !
মাথা হেঁটে, হাতে খেঁটে, দই চেটে খায় ;
বিলেত থেকে কিরে এসে হরিদাস রাম ।

হায় হায় !

বিলেত থেকে ফিরে এসে হরিদাস রাম—
দলে মিশি' ভগুঝবি হতে যদি চায়,—
পেটের মধ্যে থেকে থেকে
মুরগীগুলো উঠে ডেকে ;
গুরুগুলো হাস্তা করে— একি হলো দায়,—
বিলেত থেকে ফিরে এসে—হরিদাস রাম ।

একঘরে ।

হায় হায় !

বিলেত থেকে ফিরে এসে হরিদাস রান্না—
হিন্দুর মেয়ে বিয়ে করে—হিন্দুর ঘরে থায় ;
চেলি পরে' হলুদ মেথে,
নারায়ণকে সাক্ষী রেখে,—
ঐ সময়টাই উঠে ডেকে মুরগীগুলো হায় ;—
বিলেত থেকে ফিরে এসে হরিদাস রান্না ।

হায় হায় !

বিলেত থেকে ফিরে এসে হরিদাস রান্না—
প্যাণ্ট ছেড়ে, পরেন বেড়ে কালাপেড়ে হায় ;—
—করুন যা তাঁর আসে মনে,
হারাধন সাম্যাল ভনে
বুজিমানে রোষ্টচপ টপাটপ থায় ;
মনের স্মৃথি চূরোট ফুঁকে হোটেল খানায় ।

—কিন্তু আমরা ধর্মের জন্য, স্মৃথির জন্য, দেবতাঙ্গির জন্য বাহা
করিতে বাইতেছি, ইহা আরা তাহা হইতে ভীত হইয়া পিছাইব না ।
কোন কগাশ যুবক, কোন গৃহ-ইন “একঘরে” আমাদের সম্পদে,
গৌরবে উর্ধাস্তি হইয়া যে একপ ব্যঙ্গ ও খেষ করিতে পারে, তাহার আর
আশ্রয় কি ?

আমরা আপনাদের অগৌরু রৌতি নীতির অনুসরণ করিব । আমরা
আপনাদের হায় ঝঁককবাটে মুরগীর খোল থাইয়া, বাহিরে আসিয়া,
অমানিক ভাবে মিছা কথা কহিয়া, পুণ্য সঞ্চয় করিব । আমরা
আপনাদের হায় হ একবার গোপনে (কেন না সাবধানের বিনাশ নাই)

—গোপনে হোটেলে যাইয়া চপ্টা আস্টা থাইয়া ইহজন্ম সার্থক করিব।
ইহাতে দোষ কি?—ইহাতে ত একঘরে হইবার সন্তাননা নাই।

আমরা আপনাদের গ্রাম মাংস (প্রকাশ্ততঃ) ছাড়িয়া দিব; মাছ
ধরিব (অবশ্য পুরুরে নহে); এত দিন অনাদৃত নবগ্রাথিত পৈতা পরিব;
গরদের কেঁচা ঝুলাইব, চন্দনের ফেঁটা কাটিব, হরি নামের মালা
লইয়া ষড়ির চেন করিব, টিকৌ রাখিব ও জাতিভূষণ কঙ্গা বা ভ্রাতার
সহিত সমন্বয় ত্যাগ করিব।—জাতে লউন।

সত্য আমাদের মধ্যে অনেকের কঙ্গা নাই; কিন্তু কখন যে হইবে
না এরূপ শলিলে কেবল আমাদের মিথ্যা অপবাদ দেওয়া হয়। আমাদের
সেই ভাবী কঙ্গাদিগের বিবাহে আপনারা বাধা দিবেন না, ও নিম্নলিখ
থাইবেন। আপনাদের আশীর্বাদে সে কঙ্গাগণ দীর্ঘজীবিনী হউক,
ও তাহাদের (ভাঙ্গ থাওয়া ব্যতীত আর সব বিষয়ে) শিবের মত স্বামী
হউক। সন্তান্যকঙ্গাদারগ্রস্ত যে আমরা,—আমাদের জাতে লউন।
একবারে প্রাণে মারিবেন না।

আমরা আপনাদের গ্রাম বৃক্ষ বয়সে পঞ্চম বর্ষীয়া কঙ্গা বিবাহ করিয়া
প্রকাশ্তে বঙ্গবিধিবাকে স্বার্থত্যাগের ধর্মে দীক্ষিত করিব; ভাগবতের
মহিমা পাঠ করিব; হিন্দুধর্ম প্রচার করিব; অস্তঃপুরের গবাক্ষস্থার
কুকু করিয়া আসিয়া বারাঙ্গনালয়ে ভারতরমণীর সতীত্ব কীর্তন করিব।

আমরা আপনাদের গ্রাম ভগ্নামীর কুসুম দিয়া, জুয়াচুরীর মন্ত্র পড়িয়া,
নীচাশয়তার মন্দিরে, মিথ্যার স্বর্ণপ্রতিমা গড়াইয়া পূজা করিব।

আমরা আপনাদের গ্রাম প্রতারণার বর্ষে আচ্ছাদিত হইয়া, ভীরুতার
অঙ্ককারে, উচ্ছেদের কুঠার গ্রামের স্নেহের সত্ত্বের প্রাণে বসাইব;
জ্ঞানের দুর্গ অবরোধ করিব; উন্নতির শ্রোত রোধ করিব; বিধবার,
পরিত্যক্তার সন্তানের, ভ্রাতার বুকে কঠিনতার ছুরী বিঁধিব; আর আপনার
জাতির থাতিরে,—ভাবীকঙ্গাদারের থাতিরে, সন্তান্য জামাতার কৌলীন্য

বা অর্থের খাতিরে,—জাতিচুত পুত্রকে, কন্তাকে, জামাইকে, শুকমুথে, স্থিরস্থরে, হাত নাড়িয়া, প্রেমের ভাষায় বলিব “যাও তুমি আমার কেহ নও !”

মহাশয় এ ভাষায় আর লিখিতে পারিনা। এ সমাজের বিষয় আর এ বিজ্ঞপের ভাষায়, আচ্ছাদিত ক্রোধে লেখা অসম্ভব। ইহার ভাষা ঠাট্টার ভাষা নহে। ইহার ভাষা অগ্নায়কুক তরবারির বিজ্ঞেহী বনৎকার, ইহার ভাষা পদদলিত ভুজঙ্গের ক্রুক্রদংশন, ইহার ভাষা অগ্নিদাহের জাল। এ ভীরুতার রাজস্বের, এ অগ্নায়ের ধর্মশালার এ প্রবক্ষনার রাজনৌতির বিষয় বলিতে—যদি শতশেলময়ী, দাবানলের স্ফুলিঙ্গময়ী, নরকের জালাময়ী ভাষা থাকে, তাহাই ইহার উপর্যুক্ত ভাষা।

—মহাশয়, আপনি কোন্ লজ্জার মাথা থাইয়া বলিয়াছেন, বে “তোমাদিগকে আমরা সমাজে লইব, কেবল তৈমরা প্রায়শিক্ত কর ।” ই প্রায়শিক্ত করিব, কিন্তু বলুন কোন্ পাপের ?—আপনারা যাহা গোপনে করেন, আমরা তাহা প্রকাশ্যে করি বলিয়া ? ও আপনারা যেখানে অসত্যের, অধর্মের প্রশংসন লন, আমরা সেখানে সত্যের পার্শ্বে আসিয়া দাঢ়াই বলিয়া ?

আর কিসের জন্য প্রায়শিক্ত করিব ? কোন্ লোভে ? এই সমাজে ঢাকিবার জন্য প্রায়শিক্ত ? এই জালময়, গহৰময়, কুটিদষ্ট, ছেঁড়া সমাজে যাইবার জন্য প্রায়শিক্ত ? এ মৃদ্ধতার দালানে, এ শীঠতার ভাণ্ডারঘরে, এ নৌচাশয়তার অস্তাকুড়ে চুকিবার জন্য প্রায়শিক্ত ?—আপনাদের উন্মত্তা অথবা ধৃষ্টতা যদি এই সমাজে চুকিবার জন্য বিলেতকেরতাদিগকে প্রায়শিক্ত করিতে বলেন।—বরং আমরা আপনাদের সমাজে এতদিন যে ছিলাম ইহার জন্য প্রায়শিক্ত করিতে বলেন, রাজি আছি। যে সমাজে পদে ভীরুতা, সত্যের মানি, নির্মমতা ; যে সমাজে

পদে পদে মিছা কথা, বিবেকের বেগোবৃত্তি, সে সমাজ হইতে এতদিন
বাহির হইয়া আসি নাই কেন, ইহার জন্ত প্রায়শিত্ব করিতে বলেন ত
রাজি আছি ।

—মহাশয়, আমরা কি দুঃখে, কি অসহ জালায়, কি লজ্জাময় যন্ত্রণায়,
প্রায়শিত্ব করিব বলিয়া দিউন । সত্য, আপনাদের সমাজ হইতে আমরা
'একঘরে' । কিন্তু তাই বলিয়া কোন্ হিন্দুসন্তান বিলেত-ফেরতাদিগের
উপর ঘণায় বা তাচ্ছল্যের দৃষ্টি-নিক্ষেপ করে ? আমাদের সমাজ ছোট :
হয়ত সহস্রাধিকও হইবে না । কিন্তু আপনাদের সপ্ত কোটীর সমাজে
কয়টি মাইকেল বা শালমোহন ঘোষ দেখাইতে পারে ! এ সমাজ ছোট
কিন্তু মূর্খ নহে । যে সমাজে কেশবচন্দ্র সেন, রমেশচন্দ্র দত্ত ও সুরেন্দ্র
বন্দ্যোপাধ্যায় ; যে সমাজে তরুন্দত্ত ও রমাবাই ; সে সমাজ মূর্খ, হতাহর,
ঘৃণ্ণ নহে । এ সমাজ একঘরে হইয়াও মহৎ । এ সমাজ ছোট, কিন্তু
এ সমাজে প্রতিজন অস্ততঃ বলিতে পারে যে "আমি বিলেত-ফেরতা ।"
এ সমাজ ছোট—কিন্তু ইহা রাজাৰ সমাজ ।

আৱ 'একঘরে' হওয়াতে কিছু লজ্জার বিষয় নাই । একঘরের অর্থ
'কদাচারী' নহে । একঘরে কৰা পৃথিবীৰ সৰ্বত্র আছে । যেখানে বে
বিভিন্নমত দলেৱ সংখ্যা অতি কম, সেখানে সে দল একঘরে । আমাদেৱ
দেশে যিনি প্ৰথমে মেডিক্যাল কলেজে পুত্ৰকে পাঠাইয়াছিলেন, তিনি
একঘরে হইয়াছিলেন । যিনি প্ৰথমে পৌত্রলিকতাৰ বিপক্ষে দাঢ়াইয়া-
ছিলেন, তিনি একঘরে হইয়াছিলেন । যিনি হিন্দুবিধৰ বিবাহ দিয়া-
ছিলেন, তিনি একঘরে হইয়াছিলেন । একদিন ঈশাৰ একঘরে হইয়া-
ছিলেন, একদিন গ্যালিলিও একঘরে হইয়াছিলেন । দেখিতে পাইতেছি
এ পৃথিবীতে যাহাৱা নবপ্ৰথাৰ নবনীতিৰ নবধৰ্মেৰ নেতা, তাহাৱা
একঘরে । এ জগতেৰ প্ৰথময় পথে যাহাৱা অগ্ৰগামী, যাহাৱা জাতীয়
জড়তাৰ জীৱন, যাহাৱা উন্নতিৰ ধৰ্মেৰ জ্ঞানেৱ প্ৰথম সহাৱ, তাহাৱা

‘একঘরে’। পৃথিবীতে অনেক সময়ই একঘরের অর্থ মুখ্যতা, বা অধর্ম্ম নহে ; ইহার অর্থ সাহস, উৎসাহ, স্বার্থত্যাগ ।

কিন্তু আমরা যে একঘরে, এ একঘরেতে সাহসও নাই, কারণ ইহাতে শাস্তি নাই, বা কণামাত্রও স্বার্থত্যাগ নাই । এ একঘরের একমাত্র স্বার্থত্যাগ কল্পার বিবাহে পাত্রের অস্তিত্ব ।

আমি ত “ত্যক্ষ দেখিতেছি যে সব সমাজেই কল্পার বিবাহ হইতেছে । অর্থ ব্যয় করিলে জামাতার অভাব হয় না । আর তাহা হইলেও, কল্পার বিবাহের জন্য যদি এত মিছা কথা, ভৌরূতা, ও লুকাচুরী, ত ইহার চেয়ে যে কল্পা চিরকাল অনুচ্ছা থাকাও ভাল ।

এ একঘরের আর একটি আরামময় ভৌতি, যে ছেলের বিবাহে বা পৈতায় কেহ আমাদিগের সহিত থাইবে না । শুধু আমরা ! আমরা পূর্ণস্তঃকরণে বলি ‘তথাস্ত’ । বলা বাহ্য্য যে আমরা হিন্দুর ফলারের বা ভোজের পক্ষপাতী নহি । আমরা কোন হটগোলময়, ছিন্নকদলীপত্রময়, ‘মহাশয় এ-পাতে’-ময়, গড়ায়িত-দধিময়, হারায়িত-চটী-জুতাময়, হিন্দু ফলারে বা ভোজে থাইতে উচ্চাভিলাষী নহি ।

বলা বাহ্য্য, যে আমরা আপনাদের ফলারের স্বর্গ হইতে অষ্ট হইয়া ত্রিয়মান হইয়া যাই নাই ; আপনাদের ভগ্নামীর প্রসাদ হইতে বঞ্চিত হইয়া দুঃখিত, লজ্জিত ও অপ্রস্তুত নহি ।

ইউরোপে ‘একঘরে’র অর্থ অন্তর্জন্ম । সেখানে একঘরের অর্থ কল্পার বিবাহে গোলযোগ নহে, বা নিষ্ফলারতা নহে । ক্রান্মার লাতিমার যে একঘরে হইয়াছিলেন, সে একঘরে এ ‘একঘরে’ নহে । সে একঘরের অর্থ অন্তর্জন্ম । সে একঘরের অর্থ অনাহারের জালা, কারাগারের যন্ত্রণা, জলাদের কুঠার, অনলের দাহ ; সে একঘরের অর্থ বিচ্ছিন্নতার বিষাদ, একাকিতার হতাশা, সমাজের বিষেষ, মৃত্যুর চিন্তা । তাহাতে তাহারা ভৌত হয় নাই, স্বার্গ হইতে স্থলিত হয় নাই, সত্য হইতে চুত হয় নাই,

আলিঙ্গিত ধর্ম হইতে অবিশ্বাসী হয় নাই। আর আপনার বিশ্বাস যে এক সন্তান্য কগ্নাদায়ে, নিষ্ফলারতার আরামময় ভৌতিতে আমরা পুণ্যের প্রাপ্তিত করিব ? যে একঘরের অর্থ দেশের মাত্র, জাতির ভঙ্গি, যে একঘরের অর্থ পরিচ্ছন্নতা, স্বচ্ছন্দতা, নিরাস্ত্বকুড়তা, কদলৌপত্রহীনতা, সেই একঘরের ভয়ে আমরা ভৌরূতার মিথ্যার লজ্জাময় ঘৃণাময় পক্ষে আত্মাকে কলুষিত করিব !!!

বলিতে ঘৃণা হয়, শরীরে শত বৃশিকের দংশন জালা হয়, যে এই লক্ষ্মী-বজ্জিত দেশে আমার লক্ষ্মী-বজ্জিত জাতি, এই এক কগ্নাদায়ে, এই 'জাতের' খাতিরে, আজ ভগুমীর দোকান খুলিয়া বসিয়াছেন ; ভৌরূতার, শঠতার, ক্ষুদ্রতার রাজত্বে ঢুকিয়াছেন ; এ বিপুলা বসুদ্রবার কোণে নিশ্চল হইয়া পড়িয়া আছেন। এই এক প্রশ্ন হিন্দুসমাজের বিধাতা। এই কগ্নার বিবাহ সর্ব বিষ্ণের মূল, সর্ব উন্নতির পর্বৎসম বাধা। ইহার কাছে দেশের হিতেষিতা উৎসর্গীকৃত ; ইহার কাছে হিন্দুর সাহস পরাজিত। ইহার জন্ম অন্তরে ব্রাহ্ম হইলেও অনেকে প্রকাশে ব্রাহ্ম হইতে পারেন না। ইহার জন্ম অনেকে দশমাধিক বন্ধুকা বালিকাকে বিদ্যালয়ে পাঠাইতে কুষ্টিত হন ; ইহার জন্ম কেহ দ্বাদশ বর্ষাধিক কগ্নার অবিবাহিত রাখিতে সাহসী হন না ; ইহার জন্ম কেহ শিশু বিধবাকে বিবাহ দিতে অগ্রসর হন না ; ইহার জন্ম মিছা কথা, লুকাচুরি, অধর্ম ; ইহার জন্ম লুকাইয়া থাওয়া ; ইহার জন্ম প্রকাশে আত্মত্যাগ, পুত্রত্যাগ, বন্ধুত্যাগ ; ইহার মন্ত্রবলে জাতি অথর্ব, নিজীব ; ইহার বিষময়ী জালার ভয়ে সপ্ত কোটি মানব আজ ত্রস্ত, বন্ধুহস্ত, —“নিবাত নিষ্কম্পমিব প্রদীপম্ !”

—অহো রূমণীজাতি ! আজ তুমিই বঙ্গের সর্বনাশের উপায় হইলে ! তুমিই সর্বপ্রকার মঙ্গল কর্ষের বাধা হইলে ! তুমিই ভৌরূতার, অধর্মের কেন্দ্র হইলে ! ঈশ্বর নিশ্চয়ই তোমাকে অন্ত উদ্দেশ্যে বঙ্গে প্রেরণ করিয়াছিলেন। কোথায় তুমি বঙ্গবাসীর উন্নতির ঘন্টে সহধর্মীণী হইবে ;

কোথার অধর্মের সহিত সমরপরিশ্রান্ত বঙ্গীয় যুবকের মন্তক কোমল
কোড়ে রাখিবে ; কোথার তুমি এ জীবনের বিপন্নয় গিরি সঙ্কটে—
অস্মরাকষ্টে প্রেমের বিমল সঙ্গীত শুনাইবে ; না তুমিই বঙ্গে সর্ব উন্নতির
বাধা, সর্ব নিষ্কর্ষতার ওজোর, সর্ব পাপের কারণ ! ! !

মহাশয় ! আমরা সত্য সে জাতি নহি, যে শুন্ধ ‘পৃথিবী ঘূরিতেছে’
বলিয়া চিরাঙ্ককার কাঁচাগারে যাইতে প্রস্তুত ; সে জাতি নহি, যে জাতি
‘এই হাতে মিথ্যা লিখিয়াছিল ইহা অগ্রে পুড়ুক,’ এ কথা অল্প অনলের
সম্মুখে নির্ভয়ে বলিতে পারে । কিন্তু যে সমাজ কল্পার কুলীন বা ধনী
বরের প্রত্যাশায় মিছা কথা কহিতে পারে, শঠতার স্বোতে গাঢ়ালয়ঃ
দিতে পারে, ‘ও সত্যের স্নেহের জ্ঞানের বিবেকের মন্তকে কুঠার মারিতে
পারে, সে জাতির আশা নাই ।

আমরা ভৌকুর জাতি ! বিলাত-ফেরতেরা অস্তৎঃ আমি যে সে
ভৌকুতা হইতে মুক্ত তাহা বলি না । আমরা—অস্তৎঃ আমি যে
বিশ্বাসের জন্য হাত পুড়াইতে পারি, বা কুশে ঝুলিতে পারি, তাহা
বলি না । যদি কেহ বলে যে “বল পৃথিবী স্থির, নইলে তোমার নাসিকাটি
কাটিয়া মুখ সম্ভূমি করিয়া দিব,” তাহা হইলে, যদি দেখি যে শাণিত
চুরির তামাসাটা সঙ্গীন হইয়া দাঢ়াইতেছে, ত বলি “তা যদি পৃথিবীর
ঘোরার সহিত আমার নাসিকার অস্তিত্বের এত গৃঢ় সম্বন্ধ থাকে, ত
পৃথিবী মোটে ঘোরে না ; পৃথিবী ছিন্দু সমাজের মত স্থির ও নিশ্চল ।”

কি করিব, হাত পুড়াইতে পারি না সত্য, মরিতে পারি না সত্য,
কিন্তু মহাশয় আপনার সহিত আমার একটু প্রভেদ, যে এক কল্পাদারে
বিবেককে এত মলিন করিতে পারি না । হিন্দু সমাজের কলারে এত
সুধা নাই, কল্পার এক ধনী বা কুলীনবরে এমন মাধুরী নাই, যাহার
জন্য মিথ্যার কর্দমে, ক্ষুজ্জতার আস্তাকুড়ে, লুকোচুরির ময়লাময় জঙ্গলে
জীবনকে, ধর্মকে, বিবেককে বিসর্জন দিব ।

* * * * *

মহাশয় ! আপনি বলিয়াছেন যে, “প্রায়শিত্ব না কর, অস্ততঃ বাহিরে হিন্দুস্থানিটা রাখিও”, অর্থাৎ ভগুমিটা করিও।—মহাশয় ! আমার যদি আপনার সহিত আলাপ না থাকিত, আপনার কথা কথন না শুনিতাম, আপনাকে চক্ষে না দেখিতাম, কেবল কাহার প্রতি আপনার প্রদত্ত ঐ উপদেশটি কোন স্থিতে আমার দৃষ্টিপথে আসিয়া পড়িত, ত আমি জ্যোতিষিক নিশ্চয়তার সহিত বলিয়া দিতে পারিতাম, যে আপনি বাঙালী ও আপনার কথা আছে।

—আমি বেশ জানি যে আপনি আমাকে সমাজতঃ পরিত্যাগ করিয়াছেন। কিন্তু আপনার ইচ্ছা যে, আমি একবারে মোসলমান না হই ; যাহাতে আপনি অস্ততঃ আমার বাটীতে পানটা নির্ভয়ে থাইতে পারেন, ও হঁকোটা নির্ভয়ে টানিতে পারেন ; অথচ আপনার বাটীতে আমি গেল, আপনি আমাকে কঙ্কটা পর্যন্ত দিবেন না। যাহা হোক আপনি আপনার পুণ্যময় সমাজে বেশ আছেন, থাকুন। আমিও বেশ আছি। আমি হুনৌকায় পা দিয়া চলিতে ব্যগ্র নহি ও সে দরকারও আমার নাই। “স্বথে থাকতে কেন ভূতে কিলোয় ?”

তবে একটা কথা বলি ; যে আপনাদের সমাজে কয়টা টিকী আছে যাহা ধনীর পদতলে না গড়ায় ?—শুনিতে পাই কালীসিংহ মহোদয় টাকা দিয়া ব্রাহ্মণদিগের টিকী খরিদ করিয়া, এক টিকীর প্রদর্শনী খুলিয়াছিলেন। আমি বিলাতে ঐরূপ নানাপ্রকার মেঝের পশম প্রদর্শনী দেখিয়াছি বটে। তাহাতে নানাজাতীয় মেঝের পশম প্রদর্শিত হইয়াছিল। কিন্তু বিলাতে ঐরূপ টিকীপ্রদর্শনী দেখিয়াছি কি না, ঠিক শুরণ হয় না। কালীসিংহ মহোদয় বোধ হয় ভারতবর্ষে প্রথমে ঐরূপ প্রদর্শনী খোলেন। তাহাতে ভাটপাড়ার, নবদ্বীপের, কালীঘাটের, নানাজাতীয় পণ্ডিতের শান্তা, কাল, মন্ত্রণ, ছোট, বড়, খোলা, গেরো দেওয়া, ইত্যাদি

ନାନାପ୍ରକାର ଟିକୋ ପ୍ରଦର୍ଶିତ ହେଯାଛିଲ ଓ ତାହାରେ ନିମ୍ନେ (ଶୁଣିଯାଛି)
ତାହାରେ ଥରିଦ ଦାଘଓ ଲିଖିତ ହେଯାଛିଲ, ସଥା :—

টিকী	দাম	ওজন
ভট্টপাড়ার ভট্টাচার্যের টিকী ...	৫.	১ ছটাক
ঢি তকবাগীশের টিকী ...	৬।০	ঢি
ঢি ঢি (একটু ঘোলায়েম) ...	৭।।।০	ঢি
নববীপের বিদ্যারঞ্জের টিকী ...	৯।।।০	১।।।০ ছটাক
ঢি ঢি (পাকা) ...	১০।।।১৫	ঢি
ঢি চূড়ামণীর টিকী ...	৭৬।।।০	১ ছটাক
কলিকাতার শিরোমণীর টিকী ...	৩।।।১০	১।।।০ ,
ঢি ঢি (তড়িম্বয়) ...	৪।।।১৫	ঢি

ইত্যাদি, ইত্যাদি। একুপ প্রদর্শনী খোলার জন্ত কালীসিংহ
মহোদয় আমাদের বিশেষ কৃতজ্ঞতার পাত্র। কারণ একুপ প্রদর্শনী
খুব কৌতুহলদায়ক ও শিক্ষাপ্রদ। আমি ধনী হইলে ঐকুপ প্রদর্শনী
বৎসরে বৎসরে একবার করিয়া খুলিতাম।

বাঙালার কোন এক ব্রাহ্মণমহারাজের—(নাম করিলে মানহানির
মোকদ্দমা হইতে পারে) সদাড়ি, দাড়িহীন নানাপ্রকার নানাজাতীয়
রাঁধুনী ছিল। একদিন তাহার কুলগুরু (—টিকীওয়ালা) তাহাকে
কহিলেন,—“আপনি হিন্দুরাজ হইয়া একপ নানাজাতীয় রাঁধুনী রাখিয়া-
ছেন কেন ?” মহারাজ উত্তর করিলেন যে, “হিন্দু রাঁধুনীতে ত মুরগী
রাঁধে না, তাই মুসলমান রাখিতে হইয়াছে; আর মুসলমান ত শূকর
রাঁধে না, তাই একজন হাড়ি রাঁধুনী রাখিতে হইয়াছে।” কুলগুরু
কহিলেন—“একপ করিলে আমাদের আপনার বাটীতে আসা ভাল
দেখাব না।” মহারাজ প্রশান্তভাবে উত্তর করিলেন যে, “আপনি
আমার এখানে না আসিলে আমার যে বিশেষ ক্ষতি তাহা ত দেখিতে

পাই না।” বলা বাহ্য যে কুণ্ডল মহারাজের প্রতি তাহার
স্মেহাধিক্যে, বা নিজের দয়াঙ্গণে, অথবা টিকীর মাহাত্ম্যে, তাহার সে
ভীতি পদর্শন কার্য্যে পরিণত করেন নাই।

জানি মহাশয়, এই ত আপনাদের সমাজ, টাকা বা টিকী থাকিলে,
মিছা কথা কহিলে, বা গোঁফ কামাইলে, সাত খুন মাফ। মহাশয়
আমার দুরদৃষ্ট যে টাকা নাই, টিকী নাই, চলনের কেঁটা নাই, কোশা-
কুশী নাই, ও গোঁফ আছে

* * * * *

আপনি বলিয়াছেন যে, “তোমাকে আতে ঠাইবার জন্ত আমরা
বিশেষ চেষ্টিত আছি। মহাশয় মাফ করিবেন, কিন্তু আপনার প্রথম
কথাতেই আমার আপত্তি আছে। “জাতি” একথা আর হিন্দুর প্রতি
ব্যবহার্য নহে। একদিন হিন্দু জাতি ছিল বটে; কিন্তু এখন হিন্দুকে
জাতি বলিলে আর্যপ্রয়োগ হয়। কাণ্ঠ ছেলেকে ‘পদ্মলোচন’ বলিয়া
ডাকিলে অন্ত লোকের যে নিদারণ কষ্ট হয়, কেহ কাককে ‘কলকঠ’
বলিয়া ডাকিলে অন্তের যে ছঃখ হয়, পেয়াদা শঙ্কুরালয়ে ধাইব বলিলে
যেমন তাহাকে মারিতে ইচ্ছা করে, কেহ তাঁর শোরতন কুকুর্ণ
স্তীকে ‘সুন্দরি’ বলিয়া ডাকিলে অপরের যে বাতনা হয়, হিন্দুকে
আজ জাতি বলিলে আমার তেমনি শরীরের বেনা হয় ও গায়ে
অর আসে।

আর ‘উঠা’ এ কথাটিও এখানে অস্থান-প্রযুক্ত। উঠা শব্দে নীচু
হইতে উঁচু বাওয়া বুবার, উঁচু হইতে মৌচু বাওয়া বুবায় না; আর উঠার
এক্ষণ অর্থও বোধ হয় পঙ্কিতেরা দেন নাই। ইহার মাত্রক “উঠান”
এর নীচু হইতে উঁচু বাওয়া এইক্ষণ অর্থই প্রতিপন্থ হয়। অতএব এস্তলে
(বিলেতকেরতাদিগের প্রতি প্রয়োগ করিবার সময়) উঠা হলে ‘বাবা’
বলিবেন। ‘পালে মেশা’ বলিলেও আমার আপত্তি নাই।

সে যাহা হোক, আমার অনুরোধ যে বিলেতফেরতাদিগকে আপনাদের পালে চুকাইবার এই মহতী উদার চেষ্টা হইতে আপনি বিরত হইবেন। বলিয়া দিই যে ও পালে মিশিবার জন্য তাহারা কিছুমাত্র ব্যগ্র নহে। বলিয়া দিই,— ও আপনারা জানিয়া বোধ হয় সুখী হইবেন, যে তাহারা সুখে ও অচ্ছন্দে আছে, ও খাইতেও পার ; এবং আপনাদের প্রতি আপাততঃ মাসিকার অগ্রভাগে বায় হস্তের বৃক্ষাঙ্গুলি স্থাপন করিয়া কলিঠাঙ্গুলি প্রসারণ করিয়া দেখাইতে তাহারা কিছুমাত্র শক্তি নহে।

* * * * *

মহাশয় বিলেতফেরতাদিগকে ‘একঘরে করা’ বা ‘জাতে তোলা !’ কথাটাই আপনাদের আশ্পদ্ধ। আজ যাহারা দেশের নেতা, জাতীয় জড়ত্বার জীবন, ধর্মের শরীরে নবপ্রাণদাতা, বলিলে অত্যন্তি হয় না তাহারা প্রায় সব আজ বিলেতফেরতায় কেন্দ্ৰীভূত। আজ এ দেশ হইতে যদি বিলেতফেরতারা চলিয়া যায় ত দেশের কি দশা হয় ? দেশে যে এ জ্ঞানের ক্ষীণপ্রভা তাহাও নিভিয়া যায়, উৎসাহের যে ক্ষীণতরঙ্গ তাহাও ভাঙ্গিয়া যায়।

াৰীস একদিন সক্রেটিসকে একঘরে করিয়াছিল। রোম কোরায়-লেনসকে নির্বাসিত করিয়াছিল। আষ্ট ইউরোপ একদিন লুথারকে পীড়ন করিয়াছিল। রোমের সমাজ সীজারের বুকে ছুরী বিধিয়াছিল।— ইহারুজ্জ্বল তাহাদের পরে কাদিতেও হইয়াছিল।

* * * * *

আপনি বলিয়াছেন “একটু হিন্দুয়ানি না রাখিলে কিন্তু তোমার বাড়ী থাই।” এখানে আপনার স্নেহের খাতিরে আপনাকে এককথা বলিয়া দিই। ব্রাহ্মণ রাধুনী আপনার চক্ষে মুসলমানের চেয়ে সুন্দৰি ও গোৱৰণ হয় ত রাখিলাম ; ব্রাহ্মণ বলিয়া ত সে আমার চকুঃশূল নয়। আপনি বলেন ‘পৈতা রাখিও,’ রাখিলাম ; ও বিলাতেও আমার পৈতা

ছিল। টেবিলের ধারে বসিয়া আহার না করিলেও ‘ভাগ্যবত অঙ্ক’ হয় না ; ও মুরগী না খাইলেও বাঁচি, ও আবশ্যক বোধ হইলে তাহা ছাড়িতেও পারি ।

কিন্তু মহাশয়, এ সকল বিষয় আমি স্বর্গীয় ঘৃণার সহিত দেখি । পৃথিবীর নৈতিক সমরে এ সকল তুচ্ছ বিষয় । বুটভূতা পারে দেওয়া, টেবিলে ধাওয়া, মাংসভক্ষণ করা এ সব স্ববিধাও বিলাসের অঙ্গ, নীতি ও ধর্মের নহে । ইহাদিগকে সমাজের রক্ষক করা, ইহাদের একঘরের নিয়ন্তা করা, সমাজের কর্তব্য নহে । যে সমাজ এ বালুময় ভিত্তির উপর স্থাপিত সে সমাজ ধাকে না । এরূপ ভঙ্গুর সমাজ পৃথিবীর কুআপি নাই ও ধাকিতে পারে না ।

সমাজের অন্ত দৃঢ়তর বন্ধন আবশ্যক । যাহা সমাজের ক্ষয়কারী কৌট, মর্মাণ্ডলী পিশাচ, সেই সকল বিষয় সমাজের প্রশংস করুন, সমাজের হর্তা-কর্তা-বিধাতা করুন । একঘরে করিতে চাহেন, আস্তুন আজ বে সব বিষয় সমাজের অঙ্গলের হেতু, তাহাদিগকে একঘরে করি । আস্তুন আজ বলি, যে শঠতা করিবে, মিছা কথা কহিবে, তাহাকে একঘরে করিব ; যে স্তুঁঁচাড়িয়া বেঞ্চাবৃত্তি করিবে, তাহাকে একঘরে করিব ; যে পঞ্চবর্ষীয়া শিশুবালিকার বিবাহ দিবে, তাহাকে একঘরে করিব ; যে যুবতীবিধবার স্বেচ্ছিত বিবাহে বাধা দিবে তাহাকে একঘরে করিব ; যে স্বজ্ঞাতির প্রতি বিশ্বাসবাতকতা করিবে তাহাকে একঘরে করিব । আস্তুন যে সব ব্যাধি জাতির বুকে বসিয়া অবাধে বুকের রক্ত পান করিতেছে, যাহারা নির্ভয়ে উন্নতির প্রেমের সত্ত্বের হৃদয়ে শেষ বিঁধিতেছে, তাহাদিগকে একঘরে করি ; পীড়নের হেতু করি । সে একঘরেতে দেখিবেন দেশের মঙ্গল হইবে, জাতির জীবন হইবে । সে একঘরে অর্থ অধর্মের প্রতি সমাজের কেজীভূত ঘৃণা ও ক্রোধ ; সে একঘরের অর্থ অনর্থের উচ্ছেদ ; জানের সত্ত্বের উন্নাসের নবরাজ্য ।

নহিলে যেখানে কেশবচন্দ্ৰ সেন, মনোমোহন ঘোষ, রামতুল লাহিড়ী একঘরে, সে একঘরেতে কেহ ভৌত হইবে না ; কারণ তাহার অৰ্থ জাতিৱ মান্য, দেশেৱ ভঙ্গি । সে একঘরেৱ অথ বিহু, প্রতিভা, সত্য, চায় ও ধৰ্ম ।

আপনি বলিয়াছেন—“একটু হিন্দুয়ানি রাখিও” নহিলে আপনি আমাৱ
ৰাটীতে আসিবেন না,—হংখেৱ বিষয় । কিন্তু স্বপ্নেও ভাবিবেন না যে
আপনাদেৱ ভগ্ন কুটীৱে বাইবাৱ জন্ম তথাপি অসত্যেৱ বা ভঙ্গমীৱ প্ৰশ্ৰয়
লইব । আপনি নহিলে আমাৱ সহিত সহজ ত্যাগ কৱিবেন ? তথান্ত ।
মহাশয় এখনও আপনাদেৱ বয়সেৱ প্ৰতাৱণা শিখি নাই । কিন্তু আশা
কৱি চিৱকাল এইকল্প হৃদয়কে আপনাৱ সমাজেৱ কলুষ হইতে রক্ষা
কৱিয়া চলিতে পাৰিব । আশা কৱি যে জীবনেৱ সুখহৃংখেৱ মিশ্রিত
আলোক-অঙ্ককোৱে প্ৰাণেৱ হাসিকান্নাৱ ভিতৰ দিয়া এইকল্পই
চলিয়া যাইতে পাৰিব । আশা কৱি, তাহাতে ভাৰীকপ্তাৱ
বিবাহচিক্ষা, একঘরেৱ আৱামমৰ ভৌতি ও আপনাৱ পৱিত্যাগসকল ও স্থান
পাইবে না ।

পৱিত্যাগ কৱিবেন ? কৱন । সংসাৱ পৱিত্যাগ কৱে কৱক, তথাপি
এ মাথা সংসাৱেৱ কাছেও হেঁট হইবে না । সংসাৱ যদি ভঙ্গমি চায়,
প্ৰতাৱণা চায়, সে সংসাৱকে আমি একঘরে কৱিব । না হয় সংসাৱ
ছাড়িয়া একটি নিৰ্জন পল্লীতে, নিৰ্জন কুটীৱে গিয়া বাস কৱিব । সেও
ভাল, ভঙ্গমীৱ সহিত সহবাস হইতে যে সে স্বপ্নও মধুৱ ; প্ৰতাৱণা হইতে
পৰ্ণকুটীৱও ভাল । সেখানেও বিহুৱেৱ সঙ্গীত নিকুঞ্জে বক্ষারিত হইবে ;
সেখানেও পূৰ্ণিমাৱ চাদ উঠিবে ; সেখানেও মলয় সমীৱণ হইবে । আমাৱ
কুটীৱেৱ পাৰ্শ্বে গোটা দৃঢ় ঝাউগাছ লাগাইয়া দিব, তাহাৱা সেঁ সেঁ কৱিয়া
দিবয়াত স্বপ্নমৰ সঙ্গীত চালিবে । কুটীৱেৱ সমুখে ছচাৱিটি বেলেৱ,
বকুলেৱ, মালতিৱ গাছ লাগাইয়া দিব ; তাহাৱা সে কুটীৱে স্বৰ্গেৱ সৌৱভ

আনন্দা দিবে ; কুটীরের পূর্বদিকের জানালায় একটি রঞ্জিত চিক টাঙ্গাইয়া দিব ; তাহাতে লাগিয়া প্রভাতের সূর্যকিরণ তাঙ্গিয়া ভাসিয়া আমার ঘূষ্ণ শিশুর গাঁথে আসিয়া চলিয়া পড়বে । ঈশ্বর আমাকে নির্দিষ্টতার অঙ্ককার, পরিত্যাগের বিষাদ দিউন, সেও ভাল ; কিন্তু যেন আমার কলুষ, বিবেকের মানি হইতে রক্ষা করেন ।

মহাশয় এক কথা বলিয়া দেই । অন্তকারণে জাতিচৃত হিন্দু আপনাদের কাছে মাথা হেঁট করিতে পারে ; বিলেতফেরতারা তাহা করিবে না, ও এত দিনও (হইএকজন ছাড়া) কেহ তাহা করে নাই । হিন্দুসমাজ যদি তাহাদের সহিত মিশিতে চাহে ত ইহাকে অগ্রসর হইতে হইবে ; তাহারা পিছাইবে না । হিন্দুসমাজকে দরওজা প্রশংস্তর ও উচ্চতর করিতে হইবে, তাহার ঘোরুন্মী নীতি ও প্রথা ছাড়িতে হইবে । আমরা তাহার ভগ্নমন্দিরে যাইবার জন্য মাথা হেঁট করিব না । তাহার উঠিতে হইবে, আমরা নামিব না । হিন্দুরা যদি আমাদের অন্তরে ভালবাসেন বা ভক্তি করেন তবে এ তাঙ্গিল্যের এ বৈরাগ্যের ভাগ কেন ? এ ঢাকাঢাকি কেন ? এ সত্যের মানি কেন ? আমরাও হিন্দু ; বিলাতে গিয়াছি বলিয়া, হিন্দুর পৌরাণিকী প্রথা প্রতি পূর্ণব্যক্ত ঘৃণা ধাকিলেও হিন্দুর প্রতি রেহ ও ভালবাসা যায় নাই । যদি আপনাদের বিশ্বাস যে আমরা ইংরেজদের খোসামুদে ত সে ভুল । আমরা যাহার স্থানে যাহা ভাল দেখি তাহা লই ; তাই বলিয়া ইংরাজদের অনেক প্রথার অনুবর্তী বলিয়া তাহাদের খোসামুদে নহি, বা দেশের প্রতি বীতন্ত্রেহ নহি । আমরা যেমন এখানে হিন্দুর আচরণে ও প্রথায় ; দুঃখে লজ্জায় ঘৃণায় মরিয়া যাই, বিজাতীয় কেহ হিন্দুর নিন্দা করিলে ব্যথাসাধ্য হিন্দুকে অগ্রজাতির শ্লেষ ও বিজ্ঞপের ভন্ন হইতে রক্ষা করি, কারণ তাহাতে আমাদেরও গাঁথে লাগে । আর আপনাকে আপনার সমাজের বিষয় যাহা বলিলাম তাহা বিদেবে নহে, শক্তভাবে নহে ; লাভার

প্রতি ভাতার যে ক্ষেত্র, অগ্নায়ব্যবহারী পিতার প্রতি পুত্রের যে ক্ষেত্র, সেই ক্ষেত্রে বলিয়াছি ।

মহাশয় ! আমি সামাজ ; কিন্তু আমার সমাজ সামাজ নহে, মূর্খের নহে । এ সমাজে আসিতে চাহেন আস্তুন, সমাজে এ দ্বার চিরোন্মুক্ত, স্বেহের বাহ প্রসারিত । এখানে লুকোচুরী নাই, শৃষ্টতা নাই, নিষ্ঠমতা নাই, প্রায়শিক্ষ নাই । আস্তুন, আপনাদিগকে ভাই বলিয়া, আর্য বলিয়া, হিন্দু বলিয়া এ সমাজে আলিঙ্গন করিয়া লইব । কিন্তু অতি উন্মাদস্বপ্নেও ভাবিবেন না যে, আমরা মাথা ছেঁট করিয়া, বিবেককে কলুষিত করিয়া, পুণ্যের প্রায়শিক্ষ করিয়া, আলিঙ্গিত প্রথা ও নবজীবন বিসর্জন দিয়া, আপনাদের সমাজে ঢুকিতে যাইব ।

এক কথা বলিয়া দিই । বিলাতফেরতারা মূর্খ হইলেও তাহাদের একঘরে করিয়া আপনাদের সমাজ বলবান হইবে না । কোন জাতি কোন কালে নিজের মধ্যে বিচ্ছেদের নৌতি অবলম্বন করিয়া বড় হয় নাই । বরং সম্মিলনের নৌতিতেই বড় হইয়াছিল । গ্রীস এই গৃহবিবাদে ডুবিল, ভারত এই গৃহবিবাদে উচ্ছব হইল ; রোম যে বড় হইয়াছিল তাহা দেশীয়কে জাতিচুত করিয়া নহে, বিজাতিকে স্বজাতি করিয়া লইয়া । বৃটেন ও বড় হইয়াছে বিচ্ছিন্নতাম নহে, খিলনে । জাতিতে কেন, পৃথিবীর চারিদিকেই সংযোগই—উন্নতি, বল, সভ্যতা, জীবন ; বিচ্ছিন্নতা—অবনতি ব্যাধি, বর্করতা, শুভ্য ।

এ সমাজে আর গৃহ বিবাদ কেন ? আজ যাহারা এই ক্ষীণ সমাজে নৃতন নৃতন ব্যাধি আনিতেছে—তাহারা হিন্দু নহে, হিন্দুর শরতান । যাহারা এই বিচ্ছিন্ন সমাজে আবার নৃতন পার্থক্যের বেড়া রচনা করিতেছে—তাহারা ইহার শক্ত । যাহারা এই অর্হমৃত জীৰ্ণ শীৰ্ণ জাতিতে আবার বিচ্ছেদের কুঠার আরিতেছে—তাহারা ইহার হত্যাকারী অল্পাদ । বঙ্গ ! তুমি জান না বে আজ তোমার অস্কারে, তোমার এ ভগ্নগৃহে যাহারা বাস

করিতেছে, তাহারা তোমার সন্তান নহে ; তাহারা তোমার শবলোলুপ, রক্ত-পিপাসু পিশাচ । তোমার সন্তান বা সকলে চলিয়া গিয়াছে ।

হতভাগ্য হিন্দু ! তোমার এ ব্রহ্ম বিবাদ আর ঘুচিল না ; তোমার অপ্মানের কলঙ্কের মূল এ অস্তদাহ আর ঘুচিল না ; তোমার সোণার গৃহে কালসাপ, কুসুমে কীট, এ ব্যাধি আর ঘুচিল না ! তোমার প্রাণের কলুষ, জ্ঞানের হলাহল, বুকের চাপা এ বিবাদ আর ঘুচিল না ।

আজ এ আতির যা কিছু জীবন—‘একঘরে’ করার ব্যগ্রতাতে পরিষ্কৃত, আর অগুদিকে উখানশক্তিহীন । যে ব্রহ্ম-বিবাদ পূর্বে রাজার রাজায় ছিল, তাহা আজ ভাতায় ভাতায় পরিণত হইয়াছে ; সেই চিরশক্ত হিন্দুর রক্তপাণী প্রেতাত্মা আজ হিন্দুর ঘরে ঘুরিতেছে ।

হিন্দুসমাজ পচিতেছে—

পৃথিবীর লজ্জা, মহুষ্যজাতির আবর্জনা, প্রতাড়িত পদাহত হিন্দুসমাজ—আজ পচিতেছে ।

জীৰ্ণ, শীৰ্ণ, ভঁড়ি হিন্দুসমাজ আজ পচিতেছে ।

শঠতার ভাঙ্গার, মিথ্যাকথার ওন্দাদ, লুকোচুরীর সদ্বার, ভৌরূতার সেনাপতি, হিন্দুসমাজ আজ পচিতেছে—

এ মিথ্যা, এ প্রতারণা, এ ভঁড়ামি, এ নির্শমতা, এ নির্বিবেকতা সে পচার হৃদক ও দূর্বিত বায়ু ।

কেন আর এ ভাঙ্গা ঘরে মারিস তোদের সিঁধকাটি ।

ছিৱ তকুৰ মূলে হ'তে কেন তুলে দিস্ মাটি ।

বিষে জুৱ জুৱ প্রাণে

কেন হানিস্, বিষবাণে, LIBRARY

পাপের বহুয়াভৱা দেশে আনিস্ নৱক খাল কাটি,

কেন শীৰ্ণ মলিন ছঃখে,

মারিস্ কুঠার মায়ের বুৰে

হ'দিন গেলে দিস্ৱে কেলে, পুৱাস প্রাণের আকাজ্জাটি



